

# KOMMUNIKAMMA 17 APRIL 2022



## **Kontakpersone, indien jy meer inligting nodig het oor een van die sake wat hier verskyn:**

Jou blokouderling of -diaken

Niekie Oosthuizen: 082 561 8747; 041 360 1484; kerkkantoor@ngkraggakamma.co.za

Ds MG van Rooyen: 083 413 7100; mg@ngkraggakamma.co.za

Ds Toit Wessels: 084 240 2916; toit@ngkraggakamma.co.za

## **PROGRAM VIR DIE WEEK:**

### **Sondag 17 April PAASFEES**

**Skriflesing:** 1 Korintiërs 15:12 - 28

**Tema:** Jesus leef, en ons met Hom!

[https://youtu.be/Hk\\_82q3iqHw](https://youtu.be/Hk_82q3iqHw)

Skakel gerus om 09:00 op ons Youtube kanaal in as jy die regstreekse uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk. Neem asb kennis dat die video nie direk na die erediens beskikbaar sal wees nie.

Die huisgeloof, 'n gesprek riglyn rondom die tema van die erediens, is op die gemeente se webwerf beskikbaar.

## **09:00 EREDIENS**

**Geen Kleuterkerk of Kategese a.g.v die langnaweek**

**Die deurdankoffer gaan vandag vir Merryvale**

## **Maandag 18 April**

**GESINSDAG**

## **Woensdag 20 April**

**Voedselhulp aan PE-Noord**

**Skenkings kan op Woensdae, tussen 08:00 en 12:00 by die kerkkantoor afgelaai word. Vir die volgende week kan jy met Piet Spies kontak (sel: 084 491 1213) indien jy op 'n ander tyd jou bydrae wil maak.**

Ons help weekliks ongeveer 30 gesinne met kospakkies en ander benodighede. Die nood raak steeds groter. Hul gee ook toebroodjies vir 40 kinders wat honger gaan slaap en skool toe gaan. Hulle vra vir donasies van smeergoed. Dankie vir elkeen se ondersteuning.

**Behalwe vir die skenkings van kos en klere ontvang, is R325 851,13 reeds gebruik om kos aan te koop.**

**Kontant donasies kan in ons kerk se bankrekening gemaak word. Merk dit asb. duidelik vir PE Noord.**

U kan meer inligting op ons webblad kry of vir Sonja Spies (084 516 4925) kontak.

## **KERKKANTOOR**

Die kerkkantoor sal elke Woensdag van 08:00 tot 12:00 oop wees. **Geen persoon sal sonder 'n masker toegelaat word nie.** Volg asb die regulasies.

## **Vrydag 22 April**

**05:00 MANNEGROEP by Carnationstraat 15**

Indien jy wil deel word van die groep, kontak Frans Stapelberg vir meer besonderhede by selnommer 082 773 6205

### **Volgende Sondag, 24 April**

In 'n kursus oor die globale inpak van Covid gee prof Wentzel Coetzer die volgende statistieke: Algemene depressie vlakke wereldwyd styg met 400%. Trauma is baie hoër by jonger mense (18-24 jaar oud) as by ouer mense en selfdood pogings het gestyg.

Een ondersoek tydens Covid toon dat 70% ouer mense aantoon dat dit goedgaan terwyl net 17% jongmense tussen 18-24 jaar saamstem.

Vanuit gesprekke met talle kinders het 80% aangedui dat hulle elke dag van die week gevoelens van hartseer (rou) ervaar. 20% het 'n behoefte aan bystand rakende geestesgesondheid en basiese psigo-sosiale behoeftes. Met hierdie statistiek in gedagte het Toit vir Johan Laten, 'n spreker oor Depressie 101, gereël om by ons te kom kuier op Sondag 24 April.

#### **08:30 Eietydse erediens**

Hy begin met 'n Eenmanvertoning (#puppet). Aan die einde van die toneelstuk praat hy oor die siekte vanuit 'n geloofsperspektief en hoe die gelowige depressievegter en hul ondersteuners dit kan aanpak. Dit sal 'n goeie vertrekpunt wees vir verdere gesprekke by die huis.

#### **10:00 Klassieke erediens**

Johan gee 'n kort inleiding oor die siekte en gesels oor die impak wat dit het op gelowiges, en hoe dit bestuur kan word, veral hoe die 60 plussers hulle ouer kinders en kleinkinders moet en kan ondersteun. Ook natuurlik vir diegene in die ouderdomsgroep wat self met die siekte of selfs net met die simptome daarvan baklei.

Johan sal tussen die twee erediensdienste beskikbaar wees om mense te woord te staan indien daar so 'n behoefte is.

### **KERMIS WOENSDAG 27 APRIL 2022**

#### **WIT OLIFANTE**

Maak asb sommer van vroeg af vir ons Wit Olifante bymekaar. Jackie en Zalita is op soek na speelgoed, gereedskap, elektriese toestelle (in werkende kondisie) en ander bruikbare items. Hierdie items kan op Woensdae by die kerkkantoor afgelaai word, of kontak vir Zalita (082 878 8720) indien hulle dit moet kom oplaai.

#### **PANNEKOEK**

Die pannekoektafel soek hulp op die dag van die Kermis. Kontak vir Gert (082 906 6924) indien jy kan help.

#### **KOFFIEWINKEL**

Die Koffiewinkel benodig heerlike koeke om saam met die koffie te verkoop. Indien jy kan help, kontak asb vir Dossie (082 957 6084)

#### **KERMIS PRETLOOP**

5 km Pretloop om 08:00 ten bate van die Bybelgenootskap (R30 per inskrywing)

Daar is medaljes en geluk trekkings. Pryse vir man/dame en o/13 seun/meisie wenners.

Inskrywingsvorms by Brian Bands, Bybelgenootskap Cotswoldlaan 31, Cotswold en Kerkkantoor, Gazanialaan 2, Sunridgepark.

Laat inskrywings by die pretloop: Woensdag 27 April 2022: 07:00 – 07:45

Kontak: Rian Viljoen by 082 559 7648

#### **SAKE vir GEBED:**

- Die situasie in die Oekraïne is steeds baie kritiek. Ons bid vir Goddelike ingryping, beskerming van medegelowiges en almal wat deur die oorlog geraak word. Bid vir Christene in Rusland. Baie van hulle verkeer in onkunde oor alles wat in Oekraïne aan die gang is.
- Die springkaanplaag wat verwoesting saai. Ons bid dat die Here vir boere en gemeenskappe uitkoms sal bring.
- Ons dank die Here vir elke druppel genade reën, maar bly steeds op ons knieë as ons bid vir die kritieke stand van ons damme. Dink ook aan KwaZulu-Natal waar die reën groot lewensverlies en skade veroorsaak het.
- Almal wat siek is. Ons bid dat elkeen van hulle genesing en die nabyheid van God sal ervaar.
- Naomi Heyns sukkel met haar gesondheid.
- Vir al die aktiwiteite wat voorlê in die tweede kwartaal.
- Seën oor ons kermis wat op Woensdag, 27 April plaasvind.
- Loof die Here vir 'n dogter van Kleinskool wat haar graad voltooi het my NMMU. Ons dank ook die Here vir geestelike groei wat onder die jeug in Kleinskool plaasvind.

- Gerrit en Janine Coetsee se bediening. Ons bid dat die Here sal seën en beskerm op elke gebied.

### **Gebedsversoek vir There4-Bedieninge**

Bid saam nuwe gelowiges in **Myanmar** wat Boeddhisme verlaat het om Jesus Christus te volg, dat God hulle sal versterk, bemoedig en beskerm.

### **Liefde vir ons naaste- 'n Nuwe rolstoel vir Carien Blom benodig**

Ons het hierdie week te hore gekom van 'n jong gesin in ons gemeente wat 'n behoefte vir hul dogter het. Carien Blom is 'n blink 10-jarige dogtertjie wat op 27 weke te vroeg gebore is. Komplikasies na geboorte ('n ernstige breinbloeding) het breinskade veroorsaak, en sy is daarna gediagnoseer met Serebrale gestremdheid en Hydrocephalu. Carien se ouers, Stephan en Christelle Blom, is besig met 'n *back a buddy* fondsinsamelingsprojek want sy kort 'n nuwe rolstoel, en daar is verder groot mediese onkoste. Gaan loer gerus op die skakel indien jy 'n bydrae wou maak, of dalk meer wou weet: <https://www.backabuddy.co.za/champion/project/carien-blom>

### **VERJAARSDAE**

Ons wens die volgende lidmate geluk met hulle verjaarsdae:

17 April	Maritha Els, Teneal Els, Hennie Greeff, Dirk Human, Amelia Meiring en Jan Strydom
18 April	Else-Maré Els
19 April	Maryke de Lange, Sakkie Potgieter, Tyli van Niekerk en Rudi van Niekerk
20 April	Wendy Jackson, Thelma Nel en Poenie van der Merwe
21 April	Nico de Klerk, Dyl de Lange, Gerida van der Merwe en Chantel Viljoen
22 April	Jaco Maree, Lucian Pienaar, Styn van Deventer en Chris van Zyl
23 April	Dirk Haarhoff, Alida Strydom en James von Wielligh



**'n Spesiale gelukwense aan tannie Alida Strydom wat op Saterdag 23 April haar 97ste verjaarsdag vier.**

### **FINANSIËLE HULP: JY KAN JESUS SE "BEURSIE" IN OEKRAÏNE HELP WEES!**

Die gedagte het ontstaan en gegroei dat voorbidding met verdere aksie verryk moet word. Dit het daartoe gelei dat moontlikhede ondersoek is hoe kerkleiers in Oekraïne op 'n manier finansiëel hier uit ons sinodale gebied ondersteun kan word. Die NG Kerk in die Oos-Kaap het reeds R130 000 ingesamel.

Inbetalings kan by ons kerkkantoor gemaak word. Merk asb net baie duidelik dat dit vir Oekraïne is.

**Ander Rekeningbesonderhede waarheen donasies gestuur kan word is:**

Rekening: NG Kerk in Oos-Kaapland; ABSA 290 581 192; Verwysing: oekra + [gemeentenaam] of [donateurnaam]

### **INSKRYWINGSVORM: UITDAGINGS MET DIE GROOTMAAK VAN SEUNS (26 April 2022)**

'n Aanlyn-kursus oor die uitdagings om seuns groot te maak deur prof Wentzel Coetzer word op Dinsdag, 26 April 2022 van 09:00 - 13:00 via zoom aangebied. Die kursusfooi beloop R300. Kontak vir MG of Niekie vir meer inligting.

### **DANKOFFER**

Baie dankie vir elkeen se dankbaarheidsbydrae wat ons maandeliks ontvang. Dankoffers kan direk in die kerk se bankrekening of deur middel van Snapscan betaal word. Die kerk se bankbesonderhede is:

NG Kraggakamma  
Absa Tjekrek 1400590091  
Takkode 632005

